



Bwrdd Iechyd Prifysgol Betsi Cadwaladr (BIPBC)
Cofnodion cyfarfod y Bwrdd Iechyd a gynhaliwyd yn gyhoeddus
ar 21 Ionawr 2021 trwy Gynadledda Zoom

Yn bresennol:

Mark Polin	Cadeirydd
Louise Brereton	Ysgrifennydd y Bwrdd
Nicky Callow	Aelod Annibynnol ~ Prifysgol
Cheryl Carlisle	Aelod Annibynnol
John Cunliffe	Aelod Annibynnol
Morwena Edwards	Aelod Cyswllt ~ Cyfarwyddwr Gwasanaethau Cymdeithasol
Gareth Evans	Cadeirydd Fforwm Gweithwyr Proffesiynol Gofal Iechyd
Eric Gardiner	Cyfarwyddwr Cyllid Gwasanaethau Darparwyr
Sue Green	Cyfarwyddwr Gweithredol Gweithlu a Datblygu Sefydliadol (OD)
Arpan Guha	Cyfarwyddwr Meddygol Gweithredol Dros Dro
Gill Harris	Cyfarwyddwr Gweithredol Nyrsio a Bydwreigiaeth / Dirprwy Brif Weithredwr (<i>rhan o'r cyfarfod</i>)
Jackie Hughes	Aelod Annibynnol
Medwyn Hughes	Aelod Annibynnol
Lyn Meadows	Aelod Annibynnol
Teresa Owen	Cyfarwyddwr Gweithredol Iechyd Cyhoeddus (<i>rhan o'r cyfarfod</i>)
Lucy Reid	Is-gadeirydd
Chris Stockport	Cyfarwyddwr Gweithredol Gwasanaethau Cychwynnol a Chymunedol
Adrian Thomas	Cyfarwyddwr Gweithredol Therapiau a Gwyddorau Iechyd
Linda Tomos	Aelod Annibynnol (<i>wedi ymuno trwy awdio'n unig</i>)
Jo Whitehead	Prif Weithredwr
Mark Wilkinson	Cyfarwyddwr Gweithredol Cynllunio a Pherfformiad
Ffrancon Williams	Cadeirydd y Grŵp Cyfeirio Rhanddeiliaid

Yn bresennol:

Andrew Doughton	Arweinydd Archwilio, Archwilio Cymru (<i>rhan o'r cyfarfod</i>)
Kate Dunn	Pennaeth Materion Corfforaethol (<i>ar gyfer cofnodion</i>)
Simon Evans-Evans	Cyfarwyddwr Llywodraethu Dros Dro
Lowri Gwyn	Cyfieithydd
John Morrell	Uwch Beiriannydd Systemau TGCh
Llinos Roberts	Rheolwr Busnes Gweithredol

Eitem ar yr Agenda a Drafodwyd	Gweithredu gan
21/1 Datganiad Agoriadol gan y Cadeirydd a'r Prif Weithredwr	
21/1.1 Croesawodd y Cadeirydd bawb i'r cyfarfod a oedd yn cael ei ffrydio'n fyw er mwyn galluogi aelodau'r cyhoedd i wyllo'r cyfarfod mewn amser real. Ychwanegodd ei fod yn falch o gadarnhau bod cyfieithu ar y pryd ar gael hefyd. Estynnodd y Cadeirydd	

groeso cynnes i Jo Whitehead a Louise Brereton a oedd wedi dechrau yn eu swyddi fel Prif Weithredwr ac Ysgrifennydd y Bwrdd yn eu trefn. Aeth yn ei flaen i roi gwybod bod Sue Hill wedi'i phenodi'n barhaol fel Cyfarwyddwr Gweithredol Cyllid y Bwrdd a bod rôl Arpan Guha fel Cyfarwyddwr Meddygol Gweithredol Dros Dro wedi'i hystyngi. 21/1.2 Ers y cyfarfod diwethaf o'r Bwrdd, dywedodd y Cadeirydd fod Gweithredoedd y Cadeirydd wedi'u cytuno i gymeradwyo ymestyn y brydles bresennol a chytuno ar brydles newydd o ran swyddfeydd ar gyfer Gwasanaeth Niwroddatblygiad Plant (Gorllewin) ym Mharc Menai, Bangor, ac i ddilysu'r Polisi Iechyd a Diogelwch Statudol. 21/1.3 Cydnabu'r Prif Weithredwr y croeso cynnes yr oedd wedi'i gael gan staff, aelodau a phartneriaid, ac roedd am ddiolch ar goedd i Gill Harris am gyflawni'r rôl dros dro gynt. Roedd yn awyddus i gydnabod effaith Covid ar draws Gogledd Cymru a'r ebyrth a wnaed gan bobl Gogledd Cymru o ran gweithio i gadw pawb mor ddiogel â phosibl, ynghyd â gwaith staff a'u teuluoedd o ran helpu i gyflwyno ymateb y Bwrdd i'r pandemig. 21/1.4 Dywedodd y Cadeirydd, gan fod y sefydliad yn parhau i fod o dan gryn bwysau o ran Covid, y byddai'n gofyn i'r diweddariad Covid gael ei roi ar y pwynt hwn ar yr agenda.	
21/14 Diweddariad ar Bandemig Covid-19 <i>[Newidiwyd trefn yr Agenda ar ddigresiwn y Cadeirydd]</i> 21/14.1 Rhannodd Cyfarwyddwr Gweithredol Gwasanaethau Cychwynnol a Chymunedol gyflwyniad a oedd yn ymdrin â'r materion canlynol: • Lefelau achosion cymunedol. • Lefelau derbyniadau ysbyty bob wythnos - yn amlygu er bod y rhain wedi bod ar y lefel uchaf yn y Dwyrain, bod niferoedd bellach yn codi yn y Gorllewin a'r Canol ac o ran proffil oedran ei bod bellach yn bwysig cydnabod nad oedd risg Covid wedi'i chyfyngu i bobl hŷn. • Roedd y capasiti presennol ymhell dros 90% ar bob safle, ond roedd nifer y gwelyau ymchwydd yn amrywio o un diwrnod i'r llall. • Effaith ar y gweithlu oherwydd staff sy'n gweithio o'r cartref a/neu sy'n cysgodi. • Goblygiadau gweithredol yn cynnwys sefydlu ystafell reoli tactegol gweithredol, symud rhywfaint o weithgarwch gofal wedi'i gynllunio, adleoli a chymarebau staff, cynlluniau ymchwydd ac ehangu gofal critigol. • Gofal critigol gan gynnwys cydnabod yr ymateb aruthrol gan dimau gofal dwys a resbiradol, a nodi'r gofynion am arosiadau hwy yn ITU a nifer yr unigolion o dan 40 oed lle bo angen gofal critigol. Er gwaethaf y pwysau yr oedd timau'n ei wynebu, amlygwyd hefyd eu bod wedi gallu cynnal amgylchedd ymchwil cyfoethog. • Achosion yn yr ysbyty - gan nodi bod y rhan fwyaf o dderbyniadau Covid yn ymwneud ag achosion sydd wedi codi yn y gymuned. • Yr heriau y mae cartrefi gofal yn eu hwynebu a'r cymorth sy'n cael ei gynnig ar y cyd â phartneriaid gwasanaethau cyhoeddus eraill. • Parhau â Phrofi, Olrhain, Diogelu a oedd yn parhau i fod yn elfen hollbwysig ar raddfa fawr o ymateb partneriaethau gwasanaethau cyhoeddus. • Diweddariad manwl ar y rhaglen frechu a oedd yn cydnabod y rhwystredigaethau a oedd wedi'u mynegi ynghylch argaeledd a dosbarthiad y brechlyn dros yr ychydig wythnosau cyntaf. Cafodd y Bwrdd sicrwydd fod y gadwyn gyflenwi'n sefydlogi ac nad oedd unrhyw bryderon bod y cyflenwad a oedd ar gael yn annigonol neu nad	

oedd Gogledd Cymru yn derbyn 'cyfran deg'. Soniwyd bod llythyr yn cael ei baratoi ar gyfer yr holl aelwydydd i roi rhagor o gyngor ynghylch y rhaglen frechu. O ran terfynau amser, cadarnhawyd bod y rhain yn cael eu cytuno'n seiliedig ar gyngor y Prif Swyddog Meddygol (CMO) a'r Cydbwyllgor Brechu ac Imiwneiddio, a bod cyfuniad o ganolfannau brechu torfol a chanolfannau darparu gofal cychwynnol lleol yn cael eu defnyddio. Yn ogystal, roedd cynllun peilot ar gyfer brechu yn lleoliad y fferyllfa gymunedol.

- Amlygwyd penderfyniad allweddol a wnaed gan y Cabinet Covid i ohirio gofal wedi'i gynllunio dros dro yn Ysbyty Maelor Wrecsam a nodwyd y câi adroddiad ar wahân gan y Cadeirydd ei gyflwyno i gyfarfodydd y Bwrdd yn y dyfodol.

21/14.2 Gwnaeth Cyfarwyddwr Gweithredol Gwasanaethau Cychwynnol a Chymunedol grynhoi'r prif negeseuon bod i) yr ymateb gan staff a phartneriaid wedi bod yn aruthrol; ii) nad oedd yr ymchwydd drosodd o gwbl ac roedd angen i allu'r gweithlu i barhau i weithredu gael ei gynnal a'i ddiogelu; a iii) bod y rhaglen frechu'n sefydlogi gyda chynlluniau clir er mwyn caniatáu i'r pedwar prif gohort gael eu cyflawni.

21/14.3 Cafwyd trafodaeth. Holodd aelod p'un a oedd capasiti digonol i gynnig yr ail frechiad i'r rheiny a oedd eisoes wedi derbyn eu brechiad cyntaf. Cadarnhaodd Cyfarwyddwr Gweithredol Gwasanaethau Cychwynnol a Chymunedol fod y gofyniad am ail ddos wedi'i ystyried, ond, roedd trafodaethau cenedlaethol yn parhau o ran y posibilrwydd o ohirio'r ail ddos a bod cyngor terfynol eto i'w ddod gan y Prif Swyddog Meddygol.

Holodd yr Is-gadeirydd ynghylch diffiniad staff gofal iechyd y rheng flaen fel y'i hamlinellir yn yr amserlen frechu. Nododd Prif Weithredwr Gwasanaethau Cychwynnol a Chymunedol fod rhywfaint o anghytuno'n dal i fodoli yn hyn o beth ond y prif ffactor oedd p'un a oedd aelod o staff mewn cysylltiad uniongyrchol â chleifion a pha un a oedd yn dod i gysylltiad â risg Covid. Cyfeiriodd aelod arall at eitemau yn y cyfryngau'n ddiweddar bod gwahoddiadau'n cael eu rhannu'n amhriodol gan aelodau o staff. Cadarnhawyd bod proses ddilysu yn y clinigau a fyddai'n amlygu achosion o'r fath ac y byddai'r system trefnu'n cael ei diwygio maes o law i fynd i'r afael â'r mater hwn. Ychwanegodd Cyfarwyddwr Gweithredol Gwasanaethau Cychwynnol a Chymunedol y dylai staff sy'n pryderu y dylent gael eu brechu fel rhan o gohort 2 fynd at eu Hawdurdod Lleol gyda'r cais hwn. Amlygodd aelod arall yr angen i roi cymorth i'r staff sy'n gweithio mewn canolfannau brechu a fyddai'n wynebu sefyllfaoedd heriol, yn ôl pob tebyg. Cyfeiriodd y Cadeirydd at y rhaglen ddarparu brechiadau a oedd wedi'i chyhoeddi y diwrnod hwnnw a gofynnodd am sicrwydd ynghylch gallu'r Bwrdd Iechyd i gyrraedd y disgwyliad a bennwyd gan y Gweinidog y byddai 7/10 o bobl dros 80 oed a staff cartrefi gofal wedi cael eu brechu. Soniodd Cyfarwyddwr Gweithredol Gwasanaethau Cychwynnol a Chymunedol fod y data diweddaraf yn dangos diffyg yn erbyn y targed o 70%, ond, byddai gweithgarwch ychwanegol a gafodd ei lwytho tuag at ddiwedd yr wythnos bresennol yn gwella ar hyn, gobeithio. Ymrwymodd i roi gwybod i aelodau'r Bwrdd ynghylch y sefyllfa ar ddiwedd yr wythnos. Nododd y Cadeirydd fod BIPBC bellach yn rhoi mwy o frechiadau na Byrddau Iechyd eraill yng Nghymru ond ei fod yn perfformio'n waeth o ran cyfran y boblogaeth sydd wedi'i brechu, a gofynnodd am sicrwydd ynghylch y posibilrwydd o wella hyn. Nododd Cyfarwyddwr Gweithredol Gwasanaethau Cychwynnol a Chymunedol ei fod yn gwbl hyderus yn hyn o beth ac y

CS

byddai'r trwybwn cynyddol yn parhau. Gwnaeth atgoffa aelodau bod BIPBC yn perfformio'n dda yn gyson o ran y rhaglen flynyddol brechu rhag y fflw, a chan fod y problemau cychwynnol yn sefydlu'r rhaglen frechu rhag Covid wedi'u datrys, y byddai'n disgwyl i'r Bwrdd berfformio'r un mor dda yn hyn o beth. 21/14.4 Yna, gofynnodd y Cadeirydd i Gyfarwyddwr Gweithredol Gweithlu a Datblygu Sefydliadol roi sylwadau ar agweddau ar y gweithlu sy'n ymwneud â'r rhaglen frechu. Amlygodd y gallai'r sefydliad ddangos profiad sylweddol o gynnig rhaglenni brechu, ond roedd yr un presennol yn amrywio gan ei fod yn cael ei gynnig fesul camau blaenoriaeth ar sail cymhwyster. Nododd mai ymagwedd gymysg yn cynnwys defnyddio brechwyr a oedd wedi'u hyfforddi eisoes oedd y cynllun gwreiddiol (roedd dros 600 o'r rhain ar draws y sefydliad) ynghyd â chynorthwyyr brechu a gwirfoddolwyr brechu a oedd wedi'u recriwtio. Yr her bresennol oedd y capasiti i uwchraddio sgiliau pobl a sicrhau eu bod yn brechu'n gyflym, gan sicrhau bod staff amhrofiadol yn cael eu paru â brechwyr hyfforddedig, fel bo'n briodol. Soniodd hefyd am y cymorth a dderbyniwyd gan Awdurdodau Lleol yn benodol a rhai partneriaid preifat. Gwnaeth y Cadeirydd gloi'r cyfan trwy ddiolch i'r Cyfarwyddwyr Gweithredol a'u timau am bopeth roeddent yn ei wneud i helpu'r sefydliad i ymateb i'r heriau.	
21/2 Ymddiheuriadau am Absenoldeb 21/2.1 Cofnodwyd ymddiheuriadau ar ran Eifion Jones a Sue Hill.	
21/3 Datganiadau o Fuddiant 21/3.21 Datganodd Ffrancon Williams fuddiant yn eitem 21/15 yr Achos Amlinellol Strategol ar Lety Preswyl ar y sail mai ef oedd Prif Weithredwr 'Adra' a oedd wedi datgan diddordeb mewn cael ei ystyried fel partner posibl.	
21/4 Cofnodion Drafft Cyfarfod y Bwrdd Iechyd a gynhaliwyd yn gyhoeddus ar 12.11.20 am fanwl-gywirdeb ac adolygu Cofnod Cryno o Weithredoedd 21/4.1 Cymeradwywyd y cofnodion fel cofnod cywir a nodwyd y diweddariadau i'r cofnod cryno o weithredoedd. 21/4.2 Nododd y Cadeirydd ei fod wedi sylwi ar rai o'r materion ynghylch y nodyn briffio ar wireddu arbedion gyda Phennaeth y Rhaglen Gwerth ac Arbedion.	
21/5 Mesurau Arbennig 21/5.1 Cyflwynodd Cyfarwyddwr Gweithredol Nyrsio a Bydwreigiaeth / y Dirprwy Prif Weithredwr y papur ac atgoffaodd aelodau fod y sefydliad wedi camu i lawr o Fesurau Arbennig yn dilyn y penderfyniad i gael cyfarfod tair rhan ar ddiwedd 2020. Cydnabu fod problemau eto i'w datrys a bod yr ymagwedd arfaethedig tuag at gynaliadwyedd trwy	

ymyrraeth wedi'i thargedu a mabwysiadu ymagwedd matrices aeddfedrwydd wedi'u hamlinellu yn yr atodiadau. Câi hyn ei drafod ymhellach yng Ngweithdy'r Bwrdd ar ddechrau Chwefror. 21/5.2 Teimlai'r Is-gadeirydd ei bod yn werth ailbwysleisio bod y Bwrdd yn deall yn llwyr fod gwelliannau pellach i'w gwneud, yn enwedig o ran gwasanaethau iechyd meddwl. 21/5.3 Penderfynwyd y dylai'r Bwrdd ddatblygu Matrics Aeddfedrwydd a defnyddio dulliau datblygu / gweithdai ar gyfer y Bwrdd yn 2021 i gynnal hunanasesiad i ategu datblygu'r Datganiad Llywodraethu Blyneddol.	
21/6 Deddf Iechyd Meddwl 1983 fel y'i diwygiwyd gan Ddeddf Iechyd Meddwl 2007. Deddf Iechyd Meddwl 1983 Cyfarwyddiadau Clinigwyr Cymeradwy (Cymru) 2008. Diweddariad ar Gofrestr Adran 12(2) Meddygon Cymeradwy ar gyfer Cymru a Diweddariad ar Gofrestr Clinigwyr Cymeradwy (Cymru Gyfan) 21/6.1 Penderfynwyd y dylai'r Bwrdd gadarnhau'r rhestr o ychwanegiadau a phethau a ddilëwyd ar Gofrestr Cymru Gyfan o Feddygon Cymeradwy Adran 12(2) ar gyfer Cymru a Chofrestr Cymru Gyfan o Glinigwyr Cymeradwy.	
21/7 Dogfennau a Lofnodwyd Dan Sêl 21/7.1 Penderfynwyd y dylai'r Bwrdd nodi'r wybodaeth a ddarparwyd.	
21/8 Chwarterau 3 a 4 Adroddiad Monitro'r Cynllun Gweithredol 21/8.1 Amlygodd Cyfarwyddwr Gweithredol Cynllunio a Pherfformiad y byddai data'n cael ei rannu'n ddiweddarach gyda'r Pwyllgor Cyllid a Pherfformiad (F&P) yr wythnos ganlynol. O ran data Tachwedd 2020, gwnaeth ganolbwyntio ei gyflwyniad ar y manau coch ac ambr. Roedd yr un cyntaf (2.6) yn ymwneud ag adolygiad o gapasiti allanol i ddarparwyr allweddol ac roedd yn falch o gynghori bod hyn wedi'i gwblhau erbyn diwedd Rhagfyr 2020. Wrth edrych yn fwy cyffredinol ar weithredoedd coch eraill, roedd y rhain yn ymwneud yn bennaf â gofal wedi'i gynllunio gan gynnwys gofal llygaid, niwroddatblygiad a niwroffisioleg, ac yn ail ar draws y swyddogaeth wybodeg. O ran rhoi system yr Adran Achosion Brys (ED) ar waith, roedd yn ôl ar y trywydd cywir bellach ond roedd problemau'n dal i fodoli o ran rhoi System Gweinyddu Cleifion Cymru (WPAS) ar waith yn y Gorllewin. 21/8.2 Cafwyd trafodaeth. Soniodd y Prif Weithredwr fod fformat y papurau perfformiad yn destun adolygu a'i bod yn awyddus i gael sgwrs ehangach gydag Aelodau Annibynnol a Gweithredwyr ynghylch papurau'r Bwrdd a'r Pwyllgor cyfan yng nghyd-destun gwella wedi'i dargedu. Gwnaeth aelodau groesawu'r bwriad hwn i ddarparu gwell cysondeb o ran adrodd a lefel briodol o fanylion. Mewn ymateb i gwestiwn yn ymwneud â datblygu Uned Ddeallusrwydd Busnes Covid (17.50), nid oedd Cyfarwyddwr Gweithredol Gwasanaethau Cychwynnol a Chymunedol yn teimlo y byddai hyn bellach yn cael ei sgorio'n goch gan fod recriwtio i gynnal yr Uned naill ai wedi'i gwblhau neu'n dod yn ei flaen yn dda. Mynegodd aelod farn pan fo gweithred yn cael ei sgorio'n goch bod angen	

egglurder ynghylch yr hyn a oedd yn cael ei wneud i fynd i'r afael ag ef. Rhoddodd enghraifft o niwroddatblygiad (16.00) a'i fod wedi'i ddatgan yn yr adroddiad y gallai gymryd hyd at ddwy flynedd i gyrraedd targed y rhestr aros. Teimlai y dylai hyd a lled y broblem fod wedi bod yn hysbys pan gytunwyd ar y cynllun ond bod bwlb rhwng yr hyn a oedd wedi'i gynllunio a ble roedd y Bwrdd arni erbyn hyn. Derbyniodd Cyfarwyddwr Gweithredol Gwasanaethau Cychwynnol a Chymunedol fod y pandemig wedi cael effaith negyddol yn anochel ar y gallu i wella'r targed niwroddatblygiad. Nododd yn seiliedig ar ei sgysiau gyda'r timau y byddai'n awgrymu bod y cyfnod o ddwy flynedd yn besimistig heb fod angen ond gallai ddeall pam yr oedd wedi cael ei wneud. Cynigiodd roi lefel uwch o graffu y tu allan i'r cyfarfod ac i roi gwybod i aelodau'r bwrdd am y dyddiad disgwylidig diweddaraf yn ymwneud ag erbyn pa bryd y gellid bodloni'r targed o 26 wythnos. Holodd aelod am lefel yr hyder o ran gallu darparu timau amlddisgyblaethol (MDTs) llawn ar gyfer yr holl gleifion canser. Ni allai Cyfarwyddwr Gweithredol Cynllunio a Pherfformiad roi sicrwydd llwyr ond atgoffaodd y Bwrdd am benderfyniad y Cabinet i ohirio rhai llawdriniaethau ar safle Wrecsam ac i ddarparu gofal ar safleoedd eraill. Ychwanegodd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr y byddai adolygiadau clinigol yn parhau er mwyn sicrhau bod yr achosion â'r risg uwch yn cael sylw'n gyntaf. Rhoddodd Cyfarwyddwr Gweithredol Therapiau a Gwyddorau Iechyd sicrwydd i aelodau bod Timau Amlddisgyblaethol yn parhau i gael eu darparu trwy gydol y pandemig i ganser cleifion gan ddefnyddio ymagwedd unwaith i Ogledd Cymru. 21/8. Penderfynwyd y dylai'r Bwrdd nodi'r adroddiad.	CS
21/9 Adroddiad Ansawdd a Pherfformiad 21/9.1 Cyflwynodd Cyfarwyddwr Gweithredol Cynllunio a Pherfformiad y papur ac amlygodd ystod o bwyntiau allweddol i aelodau. Nododd fod perfformiad gofal wedi'i gynllunio'n parhau i fod yn fregus ond bod oedi parhaus o ran trosglwyddo rhwng ambiwlansys. Adroddwyd perfformiad cadarn o ran brechu rhag y fflw a bod targedau imiwneiddio staff a phobl dros 65 oed wedi'u cyflawni. Yn olaf, tynnodd sylw at berfformiad da o ran cynnal proses Adolygu Datblygiad Arfarnu Perfformiad i staff trwy gydol y pandemig. 21/9.2 Cafwyd trafodaeth. Mewn ymateb i gwestiwn am berfformiad offthalmoleg a chynnydd o ran datblygu canolfannau triniaeth diagnostig offthalmig, dywedodd Cyfarwyddwr Gweithredol Cynllunio a Pherfformiad fod y pandemig yn dal i gael effaith ar y gallu i gyflawni mesurau gofal llygaid. Roedd heriau o ran nifer y clinigau ac aciwtedd cleifion, ynghyd â gofid yn achos cleifion sy'n mynd i'w hapwyntiadau iechyd. Roedd cyfleoedd yn cael eu hystyried gan gynnwys gofyn i glinigwyr fod yn gysylltiedig â rhoi sicrwydd i gleifion er mwyn tawelu eu hofnau, a'r posibilrwydd o waith ffynonellu mewnol dros y penwythnos. Byddai diweddariad manylach yn cael ei roi i'r Pwyllgor Cyllid a Pherfformiad dros yr wythnos ganlynol. Holodd aelod p'un a oedd asesiad wedi'i gynnal yn ymwneud â risg niwed yn deillio o'r ffaith nad oedd pobl yn manteisio ar wasanaethau iechyd, a derbyniodd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr fod gan y sefydliad lefel sylweddol o risg yn hyn o beth ond roedd y tîm cyfathrebu'n gweithio'n galed i annog pobl i barhau i ddefnyddio gwasanaethau iechyd, a bod prosesau ychwanegol ar waith i wella capasiti gymaint â phosibl gan gadw pobl yn ddiogel. Byddai'n awyddus i aelodau ddeall y neges glir bod	

apwyntiadau iechyd wedi'u gwneud mor ddiogel â phosibl a bod cleifion yn cael eu blaenoriaethu. Cafwyd trafodaeth bellach ynghylch ehangu mecanweithiau cyfathrebu gyda'r cyhoedd gan eu hannog i fynd i apwyntiadau iechyd (gan gynnwys gofal cychwynnol) a'r posibilrwydd o gynnwys y trydydd sector a'r Cyngor Iechyd Cymuned. Ymrwymodd y Prif Weithredwr i wneud hyn yn weithred i'w hystyried ymhellach at eto. Nododd y Cadeirydd hefyd fod swyddog cyswllt y Bwrdd gyda Llywodraeth Cymru hefyd yn arweinydd gofal wedi'i gynllunio a'i fod wedi rhannu rhai safbwyntiau defnyddiol gyda swyddogion BIPBC ynghylch capasiti a gweithgarwch. 21/9.3 Nododd yr Is-gadeirydd fod yr adroddiad yn amlygu cyfraddau heintio cynyddol a nododd fod hyn wedi'i godi yn y Pwyllgor Ansawdd, Diogelwch a Phrofiad (QSE) yr wythnos flaenorol. Cydnabu'r pwysau yr oedd y tîm Rheoli ac Atal Heintiau (IPC) oddi tano ond gofynnodd am sicrwydd bod camau'n cael eu cymryd i fynd i'r afael â'r mater. Soniodd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr fod gweithredoedd yn cael eu datblygu ond eu bod yn fwy heriol yn ystod y pandemig. Cadarnhaodd fod trafodaethau wedi'u cynnal yn gynharach yr wythnos honno gyda chydweithwyr perfformiad yn ymwneud â darparu'r metrigau ansawdd, diogelwch a phrofiad cywir. Roedd y tîm pryderon corfforaethol wedi gofyn am adolygiad thematig hefyd, a bod ymagwedd trwy lwybrau wedi'i argymhell i leihau'r risgiau mewn Adrannau Achosion Brys (EDs) trwy ryddhau'n well a gweithio gyda thimau cymunedol. 21/9.4 Cafwyd trafodaeth ynghylch Oedi o ran Trosglwyddo Gofal (DTC) ac effaith Covid ar gartrefi gofal. Nododd Cyfarwyddwr Gweithredol Gwasanaethau Cychwynnol a Chymunedol mai'r her fwyaf i gartrefi gofal oedd y gofynion ynysu a chau pan fo achos positif am Covid yn cael ei gadarnhau ymysg staff a phreswylwyr. Fodd bynnag, nododd fod nifer o DTCs yn is o lawer o gymharu â'r un cyfnod y llynedd. O ran DTCs iechyd meddwl, cadarnhaodd Cyfarwyddwr Gweithredol Iechyd Cyhoeddus fod cyfarfodydd dyddiol yn cael eu cynnal yn yr uwch adran er mwyn monitro cleifion sy'n cael eu rhyddhau. 21/9.5 Yn olaf, nododd y Cadeirydd fod proffil cleifion yn Ysbyty Enfys Glannau Dyfrdwy yn newid. Datganodd Cyfarwyddwr Gweithredol Nyrsio / Dirprwy Brif Weithredwr fod yr ymchwydd mewn achosion Covid wedi arwain at angen i ailddiffinio'r defnydd priodol o Ysbytai Enfys gan fod aciwtedd cleifion yn uwch. Roedd yn awyddus i gofnodi ei diolchgarwch i'r aelodau hynny o staff a oedd yn rhoi'r lefel uwch hon o ofal a nododd fod hyn ond yn bosibl tra'r oedd rhai gwasanaethau eraill yn cael eu cynnal ar lefelau is. 21/9.6 Penderfynwyd y dylai'r Bwrdd Iechyd graffu ar yr adroddiad ac ystyried p'un a oedd angen uwchgyfeirio unrhyw faes.	JW
21/10 Adroddiad Cyllid M7 21/10.1 Cyflwynodd Cyfarwyddwr Cyllid Gwasanaethau Darparwyr y papur a oedd yn adrodd ar y cyfnod hyd at ddiwedd Hydref 2020. Ar yr adeg honno, roedd y Bwrdd wedi derbyn cadarnhad o gyllid trawsnewid ar gyfer 2020-21 a oedd yn cynnwys £40m i ddelfio â'r diffyg, £10.3m i ddelfio â pherfformiad cyfeirio at driniaeth a diagnosteg a £700K pellach ar gyfer arweinyddiaeth iechyd meddwl a datblygu sefydliadol. Gellid adrodd ar sefyllfa gronnus erbyn hyn o danwariant o £200K. Materion allweddol eraill i'w nodi oedd	

bod darparu arbedion (£7.2m) yn parhau i fod yn gymharol wael yn erbyn y targed (16m) ond nid oedd hyn yn anghmesur â gweddill Cymru a'r DU. Soniodd hefyd fod £74m wedi'i wario hyd yma ar faterion sy'n gysylltiedig â Covid gyda rhagolwg o £156m ond roedd hyn wedi gostwng ryw fymryn dros yr ychydig fisoedd diwethaf wrth i gostau gael eu mireinio o ran yr ysbytai Enfys. Roedd ystod o risgiau yn dal i fodoli ond roedd y rhain yn lleihau fis ar ôl mis ac ni ragwelwyd risgiau sylweddol pellach erbyn diwedd y flwyddyn. Yn olaf, cadarnhaodd Cyfarwyddwr Cyllid Gwasanaethau Darparwyr fod y Bwrdd ar y trywydd cywir i gyflawni sefyllfa gytbwys ar ddiwedd 2020-21. 21/10.2 Cafwyd trafodaeth. Holodd aelod ynghylch beth oedd yn sail i'r hyn a oedd i'w weld yn gynnydd sylweddol mewn costau fel y'i hamlinellir yn y rhagolwg o wariant ac adroddwyd bod y costau sy'n gysylltiedig â'r rhaglen frechu torfol, costau Profi, Orlhain, Diogelu (TTP) ac agor Ysbytai Enfys wedi effeithio ar hyn. Cadarnhaodd Cyfarwyddwr Cyllid Gwasanaethau Darparwyr ei bod bellach yn gliriach faint o welyau a oedd eu hangen a bod costau dychwelyd yr Ysbytai Enfys yn ôl i'w cyflwr gwreiddiol hefyd wedi'u hymgorffori i'r rhagolygon. 21/10.3 Gofynnodd y Cadeirydd i ddiweddariad ar lafar gael ei roi i gyfarfod nesaf y Pwyllgor Cyllid a Pherfformiad ar ddefnyddio'r adnoddau ychwanegol a dderbyniwyd gan Lywodraeth Cymru (LIC) yn effeithiol. Gofynnodd hefyd i ystyriaeth gael ei rhoi i ganfod ffordd well o adrodd ar orwariant yng nghyd-destun arbedion a chostau nad ydynt yn ymwneud â chyflogau. Ymrwymodd Cyfarwyddwr Cyllid Gwasanaethau Darparwyr i ddechrau'r drafodaeth hon gyda Phennaeth Rhaglen Gwerth ac Arbedion. 21/10.4 Penderfynwyd y dylid nodi'r adroddiad.	EG EG
21/11 Adroddiadau Sicrwydd Cadeirydd Pwyllgorau a Grwpiau Cyngori 21/11.1 Cafodd yr adroddiad gan y Pwyllgor Archwilio a gynhaliwyd ar 17.12.20 ei dderbyn a'i nodi. 21/11.2 Cafodd yr adroddiad gan y Pwyllgor Ansawdd, Diogelwch a Phrofiad a gynhaliwyd ar 3.11.20 ei dderbyn a'i nodi gyda Chadeirydd y Pwyllgor yn amlygu bod diweddariad ar Adroddiad Holden wedi'i dderbyn, ac roedd y Pwyllgor yn parhau i dderbyn adroddiadau gan Iechyd Meddwl ac Anableddau Dysgu yn erbyn ei bedwar o flaenoriaethau allweddol. Nododd y Cadeirydd y cyfeiriad at achos busnes yn ymwneud â recriwtio yn y tîm IPC a gwnaeth Cyfarwyddwr Gweithredol Gweithlu a Datblygu Sefydliadol gadarnhau ei fod yn cael ei ddatblygu ar garlam. 21/11.3 Cafodd yr adroddiad gan y Pwyllgor Cyllid a Pherfformiad a gynhaliwyd ar 22.12.20 ei dderbyn a'i nodi gyda Chadeirydd y Pwyllgor yn amlygu trafodaeth fuddiol ynghylch y canolfannau triniaeth diagnostig gydag offthalmolegydd ymgynghorol ac arweinydd clinigol orthopaedeg.	

21/11.4 Cafodd yr adroddiad gan y Pwyllgor Cronfeydd Elusennol a gynhaliwyd ar 8.12.20 ei dderbyn a'i nodi gyda Chadeirydd y Pwyllgor yn amlygu bod y diweddariad arfaethedig o ran loteri'r staff i'r Fforwm Partneriaeth Leol wedi'i ohirio tan adeg fwy priodol, a bod y Pwyllgor yn chwilio am gefnogaeth gan aelodau'r bwrdd sydd â diddordeb mewn adolygu ceisiadau am gronfeydd elusennol. 21/11.5 Cafodd yr adroddiad gan Bwyllgor y Ddeddf Iechyd Meddwl a gynhaliwyd ar 8.12.20 ei dderbyn a'i nodi gyda Chadeirydd y Pwyllgor yn amlygu risg barhaus o ran recriwtio meddygon Adran 12. Ymrwymodd Cyfarwyddwr Gweithredol Iechyd Cyhoeddus i symud y sgwrs yn ei blaen o ran sicrhau proses gyson. 21/11.6 Cafodd yr adroddiad gan y Pwyllgor Strategaeth, Partneriaethau ac Iechyd y Boblogaeth a gynhaliwyd ar 10.12.20 ei dderbyn a'i nodi gyda Chadeirydd y Pwyllgor yn amlygu derbyn adroddiadau ar effaith Covid ar bobl sydd â nodweddion gwarchodedig ac ar grwpiau o Bobl Dduon, Asiaidd ac o Leiafrifoedd Ethnig (BAME). Holodd y Cadeirydd ynghylch darparu hyfforddiant ar gyfer aelodau'r Bwrdd ar y Ddyletswydd Economaidd-gymdeithasol (SED) ac ymrwymodd Ysgrifennydd y Bwrdd i gadarnhau hyn y tu allan i'r cyfarfod. 21/11.7 Cafodd yr adroddiad ar y Grŵp Cyfeirio Rhanddeiliaid (SRG) a gynhaliwyd ar 14.12.20 ei dderbyn a'i nodi gyda Chadeirydd y Grŵp Cyngori yn amlygu pryderon yr SRG ynghylch yr angen i roi sicrwydd i'r cyhoedd o ran manteisio ar wasanaethau gofal iechyd mewn lleoliadau ysbyty ac mewn gofal cychwynnol. Teimlai Cadeirydd yr SRG fod angen gwell cynllun cyfathrebu a nododd y Prif Weithredwr y byddai hyn yn derbyn sylw trwy'r weithred gynharach a gytunwyd o dan eitem 21/9. O ran gwasanaethau gofal cychwynnol, cadarnhawyd nad oedd ymgynghoriadau wyneb yn wyneb erioed wedi dod i ben. 21/11.8 Cafodd adroddiad y Fforwm Gweithwyr Gofal Iechyd Proffesiynol (HPF) a gynhaliwyd ar 4.12.20 ei dderbyn a'i nodi gyda Chadeirydd y Grŵp Cyngori yn amlygu bod yr HPF yn awyddus i sicrhau na fyddai datrysiadau'r strategaeth ddigidol yn eithrio rhai cohortau o bobl nac yn achosi anghydraddoldeb iechyd pellach. Yn ail, bod yr HPF yn cefnogi'r model cysyniadol ar gyfer canolfan triniaeth ddiagnostig ond nodwyd absenoldeb strategaeth glinigol gynhwysfawr ategol. Ychwanegodd Cyfarwyddwr Gweithredol Therapiau a Gwyddorau Iechyd fod y cynrychiolydd optometreg wedi camau i lawr o'r HPF yn dilyn sawl blwyddyn o ymgysylltu a chymorth rhagweithiol i'r fforwm. Nododd y Cadeirydd y byddai'n ysgrifennu nodyn fel Cadeirydd y Bwrdd Iechyd pe bai modd i'r manylion gael eu rhannu gyda'i swyddfa.	TO LB AT
21/12 Fframwaith Sicrwydd y Bwrdd (BAF) a'r Gofrestr Risg Gorfforaethol (CRR) 21/12.1 Cyflwynodd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr yr adroddiad a chanmolodd y gwaith a oedd wedi cael ei wneud i sicrhau bod y ddogfennaeth yn cyrraedd y cam hwn. Cadarnhaodd fod y Pwyllgor Archwilio wedi trafod yr ymagwedd ym mis Rhagfyr a'i fod wedi croesawu'r fformat newydd.	

Teimlai fod sicrhau BAF priodol a chadarn yn hanfodol o ran sicrhau y gallai'r Bwrdd ymateb i'w statws Ymyrraeth wedi'i Thargedu a rheoli busnes y sefydliad yn ôl risg a blaenoriaethau. Cadarnhaodd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr fod y BAF a'r CRR wedi'i adolygu gan y Grŵp Rheoli Risg (RMG) yn gynharach yr wythnos honno ac y byddai'r trafodaethau manwl yn sail bellach i atgyfnerthu'r dogfennau. 21/12.2 Gwnaeth Ysgrifennydd y Bwrdd gefnogi'r sylwadau ar lefel y gwaith a wnaed i ddatblygu'r ddogfennaeth, a chydabu gyfraniad yr aelodau at Weithdai'r Bwrdd hefyd. Cadarnhaodd y byddai'r BAF o dan berchnogaeth Swyddfa Ysgrifennydd y Bwrdd gydag aliniad clir yn cael ei gynnal gyda'r CRR trwy'r tîm risg gorfforaethol a gwaith y RMG. Y cam nesaf fyddai mireinio'r BAF ymhellach i ddarparu rhagor o fanylion am y sgoriau a'r risgiau targed ac i sicrhau bod yr holl weithredoedd a ddatganwyd yn briodol. Yn olaf, gwnaeth atgoffa aelodau y byddai'r BAF yn ddogfen ddeinamig a fyddai'n cael ei chraffu gan Bwyllgorau'n barhaus ac y byddai'n dod gerbron cyfarfod o'r Bwrdd ddwywaith y flwyddyn. 21/12.3 Cafwyd trafodaeth. Gwnaeth aelodau groesawu fformat y ddogfennaeth a gwnaethant gefnogi'r defnydd o iaith yn ymwneud â risgiau cynhenid. Holodd Cadeirydd y Pwyllgor Llywodraethu Digidol a Gwybodaeth (DIG) ynghylch y penderfyniad i ddileu'r risg gorfforaethol ynghylch systemau cenedlaethol a thybiai fod hon yn dal i fod yn sylweddol. Yn ogystal, nodwyd bod risg cofnodion iechyd wedi'i hailgastio fel un yn ymwneud â chofnodion iechyd a chadarnhaodd fod y Pwyllgor DIG wedi trafod hyn yn flaenorol gan fod pryderon p'un a oedd hyn yn cyfyngu ar y sgôp ai peidio. Byddai Cyfarwyddwr Gweithredol Gwasanaethau Cychwynnol a Chymunedol yn mynd ar drywydd y cefndir i'r pwyntiau hyn ac yn cadarnhau y tu allan i'r cyfarfod. Cyfeiriodd y Cadeirydd at y gydberthynas â'r corff iechyd digidol cenedlaethol ac y byddai'n fuddiol ystyried atgyfnerthu ac esbonio rôl y Pwyllgor DIG. Roedd Cadeirydd y Pwyllgor Archwilio yn falch o nodi bod y RMG wedi sicrhau cworwm pan gyfarfu y tro diwethaf gan fod hyn wedi peri pryder yn y Pwyllgor yn flaenorol. Croesawodd yr Is-gadeirydd lefel yr ymgysylltu a gafwyd o ran y ddogfennaeth gan gydnabod bod modd ei gwella o hyd. Ychwanegodd fod y Pwyllgor QSE wedi rhannu sylwadau ar y CRR a dderbyniwyd gan y Pwyllgor yr wythnos flaenorol. 21/12.4 Penderfynwyd y dylai'r Bwrdd: 1) Cymeradwyo Fframwaith Sicrwydd y Bwrdd. 2) Adolygu a nodi cynnydd ar reoli'r BAF a Risgiau Gweithredol Corfforaethol Haen 1. 3) Rhoi sylwadau ar arddull a chynnwys yr adroddiad gan mai cyflwyniad cyntaf Fframwaith Sicrwydd y Bwrdd a'r Gofrestr Risg Gorfforaethol cyfunol yw hwn	CS
21/13 Asesu Strwythuredig ac Adroddiad Archwilio Blynyddol Swyddfa Archwilio Cymru <i>[Ymunodd Mr Andrew Doughton â'r cyfarfod]</i> 21/13.1 Cyflwynodd Arweinydd Archwilio (Swyddfa Archwilio Cymru) yr adroddiadau. O ran yr Asesu Strwythuredig, roedd hyn wedi canolbwyntio ar yr heriau yn ymwneud â llywodraethu gweithredol yn ystod y don gyntaf, a datblygu'r ymatebion cysylltiedig. Yn gyffredinol, canfu'r asesiad fod y Bwrdd Iechyd wedi ymateb yn dda a'i fod wedi gallu	

addasu ei drefniadau llywodraethu i roi newid ystyrlon ar waith ar garlam. Awgrymodd y byddai gwersi i'w dysgu o ran cyflwyno rhaglenni newid cymhleth. Roedd yr Asesiad Strwythuredig wedi bod yn destun proses gymeradwyo gytunedig a byddai cynnydd o ran yr argymhellion yn cael ei olrhain gan y Pwyllgor Archwilio. Roedd yr Adroddiad Archwilio Blynnyddol yn darparu crynodeb o'r holl waith a gwblhawyd gan Swyddfa Archwilio Cymru yn 2020 ac unwaith eto, roedd wedi mynd trwy'r broses gymeradwyo. 21/13.2 Cafwyd trafodaeth. Nododd y Cadeirydd fod gan rai o'r argymhellion ddyddiadau cwblhau rhwng Hydref a Thachwedd 2020. Ymrwymodd Cyfarwyddwr Gweithredol Cynllunio a Pherfformiad i fynd ar drywydd hyn y tu allan i'r cyfarfod ac i roi sicrwydd o ran cwblhau R1 (ymateb i ddigwyddiadau a gorchmynion) ac R2 (adrodd ar gynnydd yn erbyn cyflwyno cynlluniau). Mewn ymateb i gais am esboniad pellach o ran y cyfeiriad yn yr Adroddiad Archwilio Blynnyddol at adnewyddu Ysbyty Glan Clwyd (YGC) a gwendidau llywodraethu, awgrymodd Arweinydd Archwilio (Swyddfa Archwilio Cymru) wrth i achosion busnes eraill ddatblygu y byddai angen myfyrion'n ôl ynghylch argymhellion YGC, ond y byddai atgyfnerthu proses cymeradwyo'r achos busnes yn helpu i gryfhau llywodraethu. Roedd y Cadeirydd yn hyderus y byddai dysgu o YGC a rhai o'r arsylwadau o ran delio ag achosion busnes yn derbyn sylw mewn prosesau yn y dyfodol. 21/13.3 Penderfynwyd y dylai'r Bwrdd dderbyn Adroddiad Archwilio Blynnyddol Swyddfa Archwilio Cymru ac Asesiad Strwythuredig 2020 yn ffurfiol. <i>[Gadawodd Mr Andrew Doughton y cyfarfod]</i>	MW
21/15 Achos Amlinellol Strategol Llety Preswyl (SOC) <i>[Gadawodd Ffranccon Williams y cyfarfod ar ôl datgan buddiant]</i> 21/15.1 Atgoffaodd Cyfarwyddwr Gweithredol Cynllunio a Pherfformiad aelodau bod yr angen i wella ansawdd llety ar draws y safleoedd ysbyty llym wedi'i ddirnad yn flaenorol, a bod datblygu SOC yn garreg filltir o ran ymateb i'r angen hwn a rhoi hwb i recriwtio a chadw staff. Gwnaeth y SOC amlinellu opsiwn ffafriedig dangosol yn seiliedig ar ddadansoddi lefel uchel. Nododd y byddai argaeledd arian cyfalaf y sector cyhoeddus yn ffactor allweddol ac felly bod opsiwn menter ar y cyd yn dal i fod yn bosiblwydd. Cadarnhawyd bod y SOC wedi'i gefnogi gan y Tîm Gweithredol ac ar lefel y Pwyllgor Cyllid a Pherfformiad ac y byddai cefnogaeth y Bwrdd yn caniatáu i'r sgwrs ddechrau o ran cyllid cyfalaf gan Lywodraeth Cymru. Nodwyd bod ystod o gamau dybryd wedi'u cymryd i fynd i'r afael â materion llety dybryd trwy ddefnyddio cyfalaf disgresiynol. Yn olaf, datganodd Cyfarwyddwr Gweithredol Cynllunio a Pherfformiad fod grwpiau llety lleol wedi'u sefydlu gyda'r Timau Rheoli Ysbyty a thimau Ystadau a Chyfleusterau er mwyn cael adborth gan ddefnyddwyr a sicrhau bod y trafodaethau'n fwy cysylltiedig. 21/15.2 Cafwyd trafodaeth. Teimlai aelod fod rhai o'r datganiadau'n ymwneud â landlordiaid cymdeithasol cofrestredig yn eithaf negyddol a bod rhai o'r risgiau yn annheg. Holodd, pe na bai'r cyllid yn dod o ffynonellau cyfalaf, y gallai fod angen edrych ar y peth o'r newydd er mwyn ystyried opsiynau eraill. Gwnaeth Cyfarwyddwr Gweithredol Cynllunio a Pherfformiad dderbyn hyn a chydabu y gallai fod cyfleoedd am	

fentrau ar y cyd y gellid eu hystyried wrth i'r SOC gael ei ddatblygu yn Achos Busnes Amlinellol a fyddai'n gofyn am adolygu'r holl opsiynau'n fanylach. Soniodd y Cadeirydd y byddai problem o ran cyfathrebu i fynd i'r afael â hi ymysg rhai staff clinigol ac y byddai'n rhannu e-bost cysylltiedig gyda Chyfarwyddwr Gweithredol Cynllunio a Pherfformiad a fyddai'n mynd ar drywydd y mater yn ddiweddarach. Holodd y Cadeirydd hefyd p'un a oedd unrhyw sgôp i ddyrannu mwy o adnoddau yn ystod y flwyddyn er mwyn gwneud gwelliannau dros dro pellach. Datganodd Cyfarwyddwr Gweithredol Cynllunio a Pherfformiad o ran defnydd o gyfalaf ei bod yn rhy hwyr yn y flwyddyn ariannol ac o ystyried y cyfyngiadau i gontractwyr o ran cael mynediad i safleoedd oherwydd y pandemig. Soniodd aelod am y cyfeiriad yn y papur yn ymwneud â meddygon ar alwad ac roedd yn awyddus i dynnu sylw bod grwpiau staff eraill yn cyfrannu at drefniadau ar alwad ac y dylai hynny gael ei adlewyrchu o ran anghenion llety. 21/15.3 Penderfynwyd y dylai'r Bwrdd Iechyd: 1. Rhoi cymorth o ran parhau â'r drafodaeth gyda Landlordiaid Lleol Cofrestredig (RSL) ynghylch cyfleoedd ar y cyd i staff gofal iechyd sy'n cael mynediad i lety lleol fforddiadwy o ansawdd uchel yng Ngogledd Cymru. Mae'r trafodaethau hyn yn debygol o gynnwys modelau cyllid amgen. 2. Cymeradwyo cyflwyno'r achos amlinellol strategol i Lywodraeth Cymru gyda'r prif fwriad o gael cymorth o ran yr achos dros newid. <i>[Ailymunodd Ffrancon Williams â'r cyfarfod]</i>	MP/MW
21/16 Crynodeb o fusnes Preifat y Bwrdd i adrodd arno'n gyhoeddus 21/16.1 Penderfynwyd y dylai'r Bwrdd nodi'r adroddiad.	
21/17 Cymru Gyfan a Fforymau Eraill Cafodd y dogfennau canlynol eu nodi: 21/17.1 Cofnodion y Fforwm Arweinyddiaeth Gydweithredol 28.7.20 21/17.2 Cofnodion wedi'u cadarnhau Pwyllgor Gwasanaethau Ambiwylans Brys 8.9.20 21/17.3 Crynodeb Cadeirydd Pwyllgor Gwasanaethau Ambiwylans Brys 10.11.20 21/17.4 Nodyn Briffio Cydbwyllgor Gwasanaethau Arbenigol Iechyd Cymru 10.11.20 21/17.5 Adroddiad Sicrwydd Pwyllgor Partneriaethau Cydwasanaethau 19.11.20 21/17.6 Nodyn Briffio Cydbwyllgor Gwasanaethau Arbenigol Iechyd Cymru 15.12.20	
21/18 Dyddiad y Cyfarfod Nesaf 11.3.21	
21/19 Heb y Wasg a'r Cyhoedd	

21/19.1 Penderfynwyd bod cynrychiolwyr o'r wasg ac aelodau eraill o'r cyhoedd i gael eu heithrio o weddill y cyfarfod hwn yng ngoleuni natur gyfrinachol y materion sydd i'w trafod, y byddai cyhoeddusrwydd arnynt yn niweidiol i fuddiant y cyhoedd yn unol ag Adran 1 (2) Y Ddeddf Cyrff Cyhoeddus (Derbyn i Gyfarfodydd) 1960	
---	--